

Wednesday, April 1, 2026

Time - 2:30pm - 2:35pm

AKASHVANI AIZAWL
REGIONAL NEWS UNIT

CM-CENSUS

Chhiarpui, Census of India 2027 Phase-I -Houselisting leh Housing Census bultan nan tukin khan Chief Minister Pu Lalduhoma chuan a chenna inah a inziaklut a. India ram chhiarpui 2027 Mizorama bul tanna a ni.

Chief Minister hi Directorate of Census Operations, General Administration Department leh Aizawl Municipal Corporation officials pawimawhten an tawiawm a. Chhiarpui an kalpui zuina turah duhsakna a lo hlan a ni.

Census of India 2027 hi thawh hniha kalpui tur a ni a. Thawh 1-na Houselisting leh Housing Census hi vawiin atanga tan a ni. Thawh hnihna Population Enumeration hi February 2027-ah neih tan tur a ni ang. Tun tum census hi digital hmanga census kalpui hmasak ber tur a ni dawn a, mahnia Self-Enumeration tih theih a ni.

Sawrkar chuan chhiarpui hi tluang leh fel fai taka a kal theih nan khua leh tui te chu mahnia inziaklut turin a ngen a ni.



NEW SESSION

Kum 2026-2027 Academic Session atana High School leh Higher Secondary school luh tan ni, vawiin hian Mizoram hmun hrang hrangah zirna kalpui tan a ni.

Kan corr report ngaithla ang.

Mizoram sorkara School Education department-in kum 2026-2027 High School leh Higher Secondary School Academic Session chu vawiin April ni 1 atanga tan tura a tih angin, sorkar thuchhuak zawmin, Mizoram hmun hang hranga High school leh Higher Secondary school te chuan zirna in an hawng tan a, hetihruah hian private school engemawzat te pawhin vawiin atang hian Primary leh Middle zirlaite tan school an hawng tan baw a. Zirlai leh zirtirtute chuan sikul kaiin, inhlan tharna hun an hman bakah sikul thenkhat chuan an sikul hmunhma leh a chhehvel tihfai hnatlang an nei baw a, zirtirtuten zirna hawn tan ni ah hian an zirlaite lo hmuakin, an lo dawngsawng baw a, zirna in tanni ah hian hun tha tak an hmang hlawm a ni.

Kum 2026-2027 High School academic session ruahman dan chuan First Term exam leh result puan chu July ni 7 atanga July ni 17 chhunga peih fel hman tura tih a ni a. Second term chu July ni 21-a tan tura tih niin exam leh result puan chu October ni 19 atanga October ni 30 chhunga peih fel tura tih a ni.

Third term hi November ni 3-a tan tura tih niin December ni 21, atanga January ni 5, 2027 inkar chu thlasik chawlh atana tih a ni a. Third term exam leh result puan hi January ni 18, 2027 atanga January ni 29, 2027 chhunga tih fel tura rel a ni.

HSLC examination chu February 2027 chhunga buatsaih ni se tih a ni.



HAULAWNG GINGER

Tunlai hian Lunglei Dist-a Secondary Collection Centre ah Sawhthing hralhchhuah mek a ni a.

Haulawng SCC President Pu Zuimawia chuan tukin khan bag 399, Kg 11,970 an hralh tih sawiin Kg 1 cheng 25 in an hralh a. Tuntum ami hi sample ang chauh a lei a ni a phailama an pawm chuan a dang pawh lei leh turin an in thlah a ni a ti.

Haulawng SCC hnuaiyah hian khua 11 awmin a tirah chuan quintal nuai 3 thar turah an in chhut a, mahse Sorkar a chet tlai deuh avangin quintal nuai 1 vel chauh thar an in ring tih an sawi. Tunah hian bag 2000 vel chawhsa a la awm thung an ti a ni.

Lunglei dist ah hian Collection centre hi 4: Hrangchalkawn, Tawipui, Haulawng leh Buarpuiah te awmin Tawipui leh Haulawngah hralh mek a ni a, Hrangchalkawnah chuan hralh tur a awm rih lo a ni.

Hetihlai hian Buarpuia SCC ah chuan kg ah cheng 24/- a lei duh an awm, mahse loneitu te hian an hralh ngam rih lo a. Hemi chungchangah hian Buarpuia SCC President Pu Zonunchama chuan sorkar in support price a pek tur zat an hre lova, chuvanga hralh ngamlo an ni tih a sawi a ni. Tunah hian sawhthing chawhsa bag 3000-4000 vel a awm mek tih sawiin loneituten an remchan dan ang ang in an dah tha rih a ni a ti.

Buarpuia khuaah hian sawhthing chingtu Society a in ziak lut chhungkua 132 an awm a, a ching tam chuan qtl 15 te an ching a ni.



BILKHAWTHLIR

Govt.T. Robert High School-a Hindi Teacher chu ruihhlo a filhlim lo ni a sawiin a rang lama sawn chhuak tura an duh thu an sawi.

Vawiin chawhma khan Bilkhawthlir Block MHIP leh Bilkhawthlira MHIP Branch hrang hrang hruaitute chu Govt.T. Robert High School ah lengin, he School a Hindi Teacher chu zirlai naupang enkawl tlak lo ni a an ngaih thu an sawi a. Thuneitute pawhin a rang lama Bilkhawthlir atanga sawn chhuak tura an duhthu a sawi a ni.

MHIP te hian Hindi Teacher Zonunsangi Varte chu ruihhlo ah a fihlim lovin, rui chungin Class te pawh a la thin an ti a, tunhnaiah hnamdang nena an chet mawi lohna video a darh bawk an ti a, hetiang hi naupang enkawl tlaka an ngaih loh thu an sawi a ni.

A chet dan hi MHIP chuan a ngaithiam lo hle tih sawiin, hetiang hi Bilkhawthlir khawtlangah pawh ala awm ngailo an ti a. Naktuk atanga School kai tawh lo tura hriattir in, thuneitute pawh a rang lama sawn chhuak a, a aiawh dah turin an ngen thu an sawi a, hmalakna a awmlo a nih chuan na zawka hma an lak tur thu an sawi bawk a ni.

